

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) Pika 2 të Ligjit për mbrojtjen e konkurrencës ("Gazeta Zyrtare e Republikës së Maqedonisë" Nr. 145/10, 136/11, 41/2014, 53/16 dhe 83/18), dhe duke vepruar sipas njoftimit të përqendrimit i parashtruar nga Telemah BH d.o.o. Sarajevë (Telemach BH D.O. Sarajevo), me seli në rrugën Xhemal Bijediq nr. 216, Sarajevë, Bosnje dhe Hercegovinë, përmes Bozhdar Miloseviq, avokat nga Shkupi, në seancën e mbajtur më 03.11.2022, solli

AKTVENDIM

Vërtetohet se përqendrimi që i referohet fitimit të kontrollit të pavarur nga shoqëria Telemah BH d.o.o. Sarajevë (Telemach BH d.o.o. Sarajevo), me seli në rrugën Xhemal Bijediq nr. 216, Sarajevë, Bosnje dhe Hercegovinë, mbi shoqërinë tregtare T-lks TV d.o.o. Tuzla (TX TV d.o.o. Tuzla), me seli në adresën Foçanska nr. 1H, Tuzla, Bosnjë dhe Hercegovinë, nëpërmjet shitblerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksë administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 10000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbartimin e aktvendimit.

Arsyetim

Në përputhje me nenin 15 të Ligjit për Mbrojtjen e Konkurrencës më 05.10.2022, i plotësuar më 20.10.2022, në Komisionin për Mbrojtjen e Konkurrencës (në tekstin e mëtejme: Komisioni) është dorëzuar një njoftim për përqendrim nga Telemah BH d.o.o. Sarajevë (Telemach BH d.o.o. Sarajevo), me seli në rrugën Xhemal Bijediq nr. 216, Sarajevë, Bosnje dhe Hercegovinë, me të cilën Telemah BH d.o.o. do të fitojë kontroll të pavarur mbi shoqërinë tregtare T-lks TV d.o.o. Tuzla (TX TV d.o.o. Tuzla), me seli në adresën Foçanska nr. 1H, Tuzla, Bosnjë dhe Hercegovinë, nëpërmjet shitblerjes së pjesëve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

Aktivitetet themelore të biznesit të ndërmarrjeve të përfshira:

Telemah BH d.o.o. është në pronësi të plotë të fondeve të këshilluara nga BC Partners, një fond investimi ndërkombëtar me seli në Londër. Fondet e BC janë ekskluzivisht investitorë financiarë, d.m.th. ata nuk janë të përfshirë në aktivitetet e përditshme të biznesit të kompanive ku investojnë, të cilat menaxhohen nga bordet e tyre.

BC Partners është e pranishme në Republikën e Maqedonisë së Veriut përmes shoqërive të mëposhtme të varura në mënyrë indirekte:

- Total TV SHPK Shkup, me seli në Bulevardin VMRO nr. 3, Qendër, Shkup, e cila merret me aktivitetet e telekomunikacionit satelitor,
- DIRECT MEDIA SHPKNJP Shkup, me seli në Orce Nikolov 68/3, Qendër, Shkup, e cila merret me aktivitete të marketingut, gjegjësisht me blerje dhe shitje të hapësirës reklamuese në media të shkruara dhe elektronike, dhe
- UGI FIBER SHPKNJP Shkup, me seli në bul. Partizanski Odredbi nr. 14, Qendër, Shkup, Republika e Maqedonisë së Veriut, e cila merret me aktivitetet e telekomunikacionit satelitor.

Gjithashtu, në territorin e Maqedonisë së Veriut, BC Partners, përmes Junajted Group, janë të pranishëm duke ofruar shërbimet e mëposhtme:

- Kanalet televizive që transmetohen nga palët e lidhura, pra ritransmetohen nga operatorët lokalë, duke përfshirë N1, Grand, Cinemania, Sport Klub, Fight Channel, Pikaboo, Vavoom, IDJTV, Lov i Ribolov, Brainz, Nova S, etj. (Junajted Media (United Media));
- shërbime reklamimi (Direct Media), Kas Media (Cas Media));
- shërbimet e telekomunikacionit (TOTAL TV SHPK Shkup; të ardhurat minimale në tregun vendor i realizon Serbia Broadband – Srpske kablovske mreže d.o.o. Beograd (Serbia Broadband – Srpske kablovske mreže d.o.o. Beograd d.o.o.. Beograd) dhe Telemah d.o.o. Lubjanë (Telemach d.o.o. Ljubljana)).

T-Iks TV d.o.o. është një operator telekomunikacioni që është aktiv ekskluzivisht në Bosnje dhe Hercegovinë, edhe atë në territorin e qyteteve Tuzlë, Srebrenik, Zhivinice, Zavidoviq, Maglaja, Zenicë, Sarajevë dhe Banoviq, u ofron përdoruesve të saj shërbime të telefonisë fikse, akses në internet me brez të gjerë (kablo dhe optik), si dhe shpërndarje të përmbajtjes mediatike.

T-Iks TV d.o.o nuk është i pranishëm dhe nuk gjeneron të ardhura në Republikën e Maqedonisë së Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme

pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KRYETAR

I KOMISIONIT PËR MBROJTJEN E KONKURENCËS

Prof. Dr. Владимир Наумовски